


2019-IMUT UKIUMOORTUMIK NALUNAARUSIAQ



Inatsit tunngaviususaaq pillugu Isumalioqatigiissitat

Imarisai

Siulequt.....	3
Aallarniineq - Inatsit tunngaviusussaq pillugu Isumalioqatigiissitat ilisaritinnerat.....	4
Suliassat nukissallu sillimmatigisat.....	5
Suleqatigiissitat.....	5
Allattoqarfik sulisullu.....	7
Aningaasaqarneq.....	8
Ataatsimiittarnerit - eqikkaaneq.....	9
Inissititerluni ataatsimiinnerit.....	9
Ileqquusumik ataatsimiinnerit.....	11
Pilersaarusionermut missingersuusionermullu tunngasunik isumasioqatigiinneq.....	12
Naggasiineq.....	13



Saamerlermit: Anita Hoffer, Kuupik V. Kleist, Vittus Qujaukitsoq, Per Rosing Petersen, Doris J. Jensen aamma Bentiarq Ottosen.

Siulequt

Inatsit tunngaviusussaq pillugu Isumalioqatigiissitat nutaat 2019-mi maajip naanerani Naalackersuisunit ivertinneqartut isumalioqatigiissitallu ingerlarngat pillugu ukiumoortumik nalunaarussiaq, matumuuna saqqummiunneqarpoq.

Isumalioqatigiissitat 2019-imi maajip 28-anni inissititerlutik ataatsimiinnerminnit novembarip 25-ata tungaanut sulisimapput. Siulittaasup, Doris J. Jensenip, isumalioqatigiissitamit tunuarnera pissutigalugu sulinerat unitsikkallarneqarput, naak tamanna pigaluartoq ukiumi nutaami aaqquissuussilluarnikkut, nalequussarnikkullu suliat nanginneqarlutik.

Isumalioqatigiissitat suliaat 2019-imi ataatsimut isigalugit annertusimaqaat, taakkunanilu ilaatigut annertuumik Naalackersuisut Isumalioqatigiissitanut suliakkiissutaat najoqqutassiaallu, assigiimmik paasineqarsimanerat qulakkeerniarlugu, sammineqarsimallutik.

Atuarluarisi

Inatsit tunngaviusussaq pillugu Isumalioqatigiissitani siulittaasoq



Ineqi S. Kielsen

Aallarniineq

Sooq nunarput Tunngaviusumik Inatsiseqassava ? Immaqa taamatut aperisoqarsinnaavoq. Kinaluunniit innuttaasoq, inuiaat nunaminni nammineq oqartussaassuseqarneq, akisussaaffeqarneq kissaatigisinnaavaa kiffaanngissuseq siunertaralugu.

Inatsit tunngaviussusaaq pillugu Isumalioqatigiissitat ilisaritinnerat

Inatsisartunut qinersinissaaq 2018-imi marsip tallimaanni suaarutigineqarmat Inatsit tunngaviussusaaq pillugu isumalioqatigiissitat sulinerat unitsinneqarallarpoq. Inatsit tunngaviussusaaq pillugu Isumalioqatigiissitat nutaat Naalakkersuisunit toqqarneqartut 2019-imi maajip naalluinnarnerani ivertinneqarput.

Isumalioqatigiissitat ivertinneqartut nutaat Kalaallit Nunaanni inatsimmut tunngaviussusamut missiliummik Naalakkersuisunut, kingusinnerpaamik juunip 21-ani 2021-mi, tunniussaqaarnissartik siunertaralugu Nuummi maajip 28-ani 2019-imi inissitertulit ataatimiinnerminni sulinertik aallartippaat.

Inatsit tunngaviussusaaq pillugu Isumalioqatigiissitat 2019-imi toqqarneqartut tassaapput:

- Siulittaasoq: Doris J. Jakobsen, Siumut
- Siulittaasup tullia: Kuupik Kleist, Inuit Ataqatigiit
- Ilaasortaq: Nivi Olsen, Demokraatit
- Ilaasortaq: Per Rosing-Petersen, Partii Naleraq
- Ilaasortaq: Bentiaaraq Ottosen, Atassut
- Ilaasortaq: Aleqa Hammond, Nunatta Qitornai
- Ilaasortaq: Louis Sigurdsen, Suleqatigiissitsisut

Sinniisussatut toqqarneqartut:

- Suinni L. Johansen, Siumut
- Marianne Jensen, Inuit Ataqatigiit
- Steen Lynge, Demokraatit
- Dorthe Zeeb Kristiansen, Partii Naleraq
- PanínguaK M. Kruse, Atassut
- Ole Aggu Markussen, Nunatta Qitornai
- Anita Hoffer, Suleqatigiissitsisut

Inatsit tunngaviussusaaq pillugu Isumalioqatigiissitat nutaat sulinertik 2019-imi maajip naaneranit novemberip naajartulerneranut ingerlappaat. Tamatuma kingorna isumalioqatigiissitami sulineq unitsikkallarnekartariaqarsimavoq.

Tamanna pivoq Isumalioqatigiissitat siulittaasuat Doris J. Jensen Naalakkersuisunut aamma Isumalioqatigiissitani ilaasortanut novembarip 25-ani 2019-imi nalunaaruteqarmat Isumalioqatigiissitani siulittaasut ilaasortatullu tunuarmat.

Ukiup naajartulernerani Atassut aammalu Suleqatigiissitsisut Isumalioqatigiissitami ilaasortaataqarunnaarput. Suleqatigiissitsisut siullertut ilaasortaatarisaa, Anita Hoffer sinniisussaataa, Louis Sigurdsen, Isumalioqatigiissitanit novemberimi tunuarlutik nalunaaruteqarput. Atassutip partiata


siullertut ilaasortaatarisaa, Bentiaraq Ottosen, juunimi ilaasortaajunnaarnini nalunaarutigivaa sinniisussaminit, PanínguaK M. Kruse-millu, kingoraarneqarluni.

Taamaattorli partiini ilaasortat suleqatigiissitaniittut siulittaasoqarfillu suliatik nangipaat, ilaatigut Isumalioqatigiissitat allaffeqarfiullu suleqatigiilluarnerisigut pisinnaasimalluni.

Taamaalilluni Inatsit tunngaviususaaq pillugu Isumalioqatigiissitani 2019-p naanerani uku ilaasortaapput: Siulittaasup tullia Kuupik V. Kleist (IA), ilaasortat: Nivi Olsen (D), Aleqa Hammond (NQ), Per Rosing-Petersen (N) aamma PanínguaK M. Kruse (A). Immikkut ilaasortaatit: Daniel Thorleifsen aamma Rosannguaq Rossen.

Suliassat nukissatigullu sillimmatigisat

Isumalioqatigiissitat sulinerminni tunngavigaat suliakkiissut najoqqutassiaq Naalakkersuisunit 2019-imi marsip 29-ani tamanut saqqummiunneqartoq. Isumalioqatigiissitat suliakkiissutigineqartoq najoqqutaralugu Kalaallit Nunaat naalagaaffinngorpat atuutilertussamik inatsimmut tunngaviusussamut missiliummik suliqaarnertik 2019-imi sinaakkusersorlugu aallartippaat, suleqatigiissitallu pilersinneqarlutik.



Suleqatigiissitat

Inatsit tunngaviususaaq pillugu Isumalioqatigiissitat ataanni suleqatigiissitanik pingasunik aggustip 30-anni isumasioqatigiinnermi pilersitsisoqarpoq:

Naalakkersuisaatsit pillugit suleqatigiissitat:

- Per Rosing-Petersen, siulittaasoq
- Kuupik V. Kleist, siulittaasup tullia
- Rosannguaq Rossen

Pisinnaatitaaffiit pisussaaffiillu pillugit suleqatigiissitat:

- Anita Hoffer, siulittaasoq
- Panínguaq M. Kruse, siulittaasup tullia
- Nivi Olsen

Nunanut allanut sillimaniarnermullu tunngasut pillugit suleqatigiissitat:

- Aleqa Hammond, siulittaasoq
- Daniel Thorleifsen, siulittaasup tullia
- Doris J. Jensen

Suleqatigiissitat qulequttat sammisimasaat makkuupput:

Naalakkersuisaatsit pillugit suleqatigiissitani qulequttat itisilerlugit ukkatarineqarsimasut tassaapput:

1. **Inatsisartoqarneq:** Inatsisartut aqqissugaanerit, katitigaanerit, qinigaaffiup sivissusua, immikkut pisinnaatitaaffiit, suleriaatsit allallu.
2. **Naalagaaffimmi qullersaqarneq:** Qullersamik qinersinermi periuseq atorineqartussa, qullersap oqartussaassusia, atuuffiup sivissusua.
3. **Naalakkersuisoqarneq:** Naalakkersuisunik pilersitsinermi malittarisassat, naalakkersuisut akisussaaffii, naalakkersuisut oqartussaassusiat.
4. **Eqqartuussiveqarneq:** Eqqartuussiveqarnerup aqqissugaanera, eqqartuussisunik ivertitsisarneq, eqqartuussiviit namminersortussaataanerit, unnerluussisussaataasut.
5. **Nunap immikkoortuini oqartussat:** Nunap ilaanik naalagaaffiit oqartussaassusiat imaluunniit taakkununga oqartussaaffinnik tunniussineq.
6. **Inunnik taasisitsinerit** pillugit aalajangersakkat.
7. **“Oqartussaaffiit sisamaat”** (assersuutigalugit qinersinermut ataatsimiititaliap, ombudsmandip, kukkunerisuisut) suliffeqarfiutaat.

Pisinnaatitaaffiit pisussaaffillu pillugit suleqatigiissitani qulequttat itisilerlugit ukkatarineqarsimasut tassaapput:

1. **Tunngaviumik pisinnaatitaaffiit:** Pisinnaatitaaffiit nalunaarsorsimaffiat, tamatumunnga ilaatinneqarlutik pisinnaatitaaffiit atorsinnaassusiat, atortinneqarnerit, killiliiffiqarneqarnerit, sukannersumik [inatsisiliorneq atornagu] naalakkersuinerup atorunnaarsinneqarnera killiliiffiqarneqarneraluunniit.
2. **Inuttut atukkatigut aningaasarsiornikkullu pisinnaatitaaffiit imaluunniit anguniagassatut najoqqutassiat.**

Nunanut allanut sillimaniarnermullu tunngasut pillugit suleqatigiissitani qulequttat itisilerlugit ukkatarineqarsimasuttassaapput:

1. **Isumannaallisaanermut tunngasut:** Sakkutuut, sakkutooqarnikkut oqartussaassuseqarnermut killilersuutaasinnaasut.

Inatsimmik tunngaviusussamik suliaqarnermi qulequttat allat sinneruttut sisamat suliarineqarnissaat utaqqisinneqarallassasoq aalajangiunneqarsimavoq, taakkualu tassaasimapput:

1. **Aallaqqaasiut:** Tunngaviusumik inatsiliornermi pingaartitat anguniakkallu ersarissumik innersuussutiginnissai, ilaatigut oqaluttuarisaanermi pisimasut pingaarutillit, inuiattullu kinaassutsip pingaartinneri ilanngullugit innersuussutigalugit.
2. **Aalajangersakkat aallarniutaasut:** Imminut naalagaaffittut oqartussaaffigineq imaluunniit naalackersuineri isummat tunngaviusut pillugit nalunaarut; naalagaaffiup aqqa territoriaalu; innuttaassuseqarneq taasisinnaatitaanerlu; naalagaaffiup suussusia, pingaartitai siunertaalu pillugit isumaliortaaseq malinneqartoq.
3. **Aalajangersakkat allat tamalaat:** Eqimattat aalajangersimasut pillugit aalajangersakkat immikkut ittut, oqaatsit pillugit inatsisit imaluunniit atorfeqarfiit pillugit.
4. **Allannguuteqartitsinissami suleriaasissat, atuutilersitsinermut piffissalersuineq aammalu ikaarsaariarnermi aalajangersakkat.**

Allattoqarfik sulisullu

Isumalioqatigiissitat sulinerminni allattoqarfimmit sullinneqarput. Allattoqarfimmit sullissinermut ilaatigut ilaapput inatsip tunngaviusussap missiliuusiorfigineqarnissaa, Isumalioqatigiissitanik siunnersuinissaq sullissinissarlu, ataatsimiinnissanik piareersaasarnissaq malitseqartitsinissarlu, kiisalu paasissutissiilluni tamanut suliaqartarnissaq.

Ukiup naalernerani sulisorineqartut tassaapput:

- Johan Lund Olsen, Allattoqarfimmi pisortaq
- Jakob Møller Lyberth, immikkoortortaqarfimmi pisortaq
- Else Olsvig, paasissutissiisartaq
- Axel Jeremiassen, AC-fuldmægtigi
- Mia Sandgreen, allaffimmi fuldmægtigi
- Angutivaraq Tønnesen, ilinniartutut ikiorti

Aningaasaqarneq 2019

Ukioq manna aningaasanut inatsimmi aningaasaliissutit; 2019-imi katillugit kr. 5.639.000.

Taamaalilluni ukiup aallartinnerani Isumalioqatigiissitap sulinerminut atorsinnaasai katillugit 10.468.311 kr.-upput, taamaalillunilu 2019-imi killiffik ima takussutissiarineqarsinnaavoq:

Aningaasaliissutit atorneqanngitsut, ileqqaakkat, katillugit	4.829.311 kr.
2019-imi aningaasaliissutit	+ 5.639.000 kr.
2019-imi aningaasat atorsinnaasat katillugit	kr.
2019-ip naanerani aningaasat atorneqartut ilanngaassassat	3.961.311 kr.
Atorneqanngitsut ingerlateqqitat - 2020.mut nuunneqartut	6.507.000 kr

Taakkunanga ukiup naanerani atorneqarput: 3.961.311,29 kr. – taamaalillunilu aningaasaliissutit atorneqanngitsut uninngasuutigineqalersut tassaallutik: kr. 1.677.688,71 kr.



Ataatsimiittarnerit – (ataatsimiinnerni pingaarnersiorlugit eqqartorneqartut eqikkarnerat)

Isumalioqatigiissitani suleqatigiissitat pingasuusut arlaleriarlutik ukiup ingerlanerani ataatsimiittarsimapput. Tamatuma saniatigut Isumalioqatigiissitat tallimariarlutik (ataatsimoorlutik) ataatsimiinnikuusimallutik. Ataani atuarsinnaavatit pingaarnersiorlugit qulequttat eqqartorneqarsimasut.



Isumalioqatigiissitat maajip 28-ani 2019-mi inissititerlutik ataatsimiittut.

Inatsit tunngaviususaaq pillugu Isumalioqatigiissitat 2019-imi maajip 28-ani ivertinneqareernermik kingorna ukiup ingerlanerani ataasiarlutik ataatsimiipput, kiisalu aamma ataasiarlutik isumasioqatigiipput kingusinnerusukkut inaarneqartumik.

Inatsit tunngaviususaaq pillugu Isumalioqatigiissitat:

Inissititerluni ataatsimiinneq 18. maj 2019:

Ataatsimiinnermi qulequttat assigiinngitsut eqqartorneqarput, qulequttakkaarlugit pingaarnersioraanni eqqartorneqartut ukuupput:

Siulittaasoqarfimmut ilaasortat pingajussaannik toqqaanermi inassutigineqarpoq

- Isumalioqatigiissitat siullit ataneranni aaqqissuussineq atuuttoq misillitagaqarfioreersoq malinneqassasoq

Immikkoortumi qulequttamilu Inatsit tunngaviususaaq pillugit Isumalioqatigiissitat Naalakkersuisullu akornanni suliaasanik akisussaaffinnillu agguataarineq, ataqatigiissaarinerlu pillugit inassutigineqarpoq:

- Isumalioqatigiissitat nammineq oqartussaassuseqartutut inissisimanagerat isummerfigineqassasoq
- Ukiut affakkaarlugit Naalakkersuisunut nalunaarusiortarnissap pisussaaffignerata qaavatigut, Naalakkersuisunut qanoq attassuteqartoqartassanersoq isummorsorfigineqassasoq
- Qanoq atassuteqartoqartassanersoq apeqqut pillugu oqallinneq nanginneqassasoq ileqquusumik ataatsimiinnermi siullermi

Inatsit tunngaviususaaq pillugu Isumalioqatigiissitat suleriaasissaat

Immikkut ilisimasalinnik atuinnermut tunngasut

Inassutigineqartut allat saniatigut, inassutigineqarpoq immikkut ilisimasalinnik atuinnermut tunngasut, isumalioqatigiissitat isummorsorfigissagaat.

Isumalioqatigiissitanut suliakkiissutitut najoqqutassiaq, tapiliussarlu 31. maj 2019:

Naalackersuisut suliakkiissutaat Inatsimmik Tunngaviusussamik ilusilersuinnermi takorluugaasimasoq eqqartorneqarpoq, ilaatigullu aamma Inatsimmik Tunngaviusussamik missiliummik Naalackersuisunut tunniussassaq eqqartorneqarpoq.

Isumalioqatigiissitat sulinerminni tunngaviannik paasinartumik ersarissumillu inuinnarnut naatsorsuussamik quppersagaqqamik imaluunniit naqitanngumik suliaqartoqassasoq inassutigineqarpoq.

Isumasioqatigiinneq:

Juni-mi 2019 isumasioqatigiinnermi Isumalioqatigiissitat suliassamik tunngaviinut sinaakkutaanullu tunngasut qanoq paasinerlugit isumasioqatigiissutigineqarput.

Kalaallit Nunaannut Tunngaviusumik Inatsisissaq pillugu Isumalioqatigiissitap suliassaanut nassuiaatit

Immikkoortumi aalajangiunneqartut:

- Oqaatsit aalajangersimasut nassuiaataat (definitionii), assersuutigalugit "inatsisit tunngaviusut" aammalu "kalaallit kulturiat", eqqartorneqarlutillu suliarineqassasut
- Ukiut affakkaarlugit Naalackersuisunut nalunaarusiortartussaataanerup saniatigut, isumaqatigiissutigineqarpoq allat susassaqtartut allatut ilusilimmik ilisimatinneqartarsinnaasut
- Kaffisoqatigiinnertalimmik Naalackersuisunut ilaasortaasumik akisussaaffeqartumik ilisimatitsisarnissaq
- Isumaliutissiisummik tunniussinissamut piffissaliunneqartoq (21. juni 2021). Apeqqutip erseqqarinnerusumik ukiaru akineqarsinnaalernissaa inassutigineqarpoq
- Oqallinneq inernilerlugu siunnersuutigineqarpoq Naalackersuisunut ilaasortat tamaasa isumalioqatigiissitat ataatsimeeqatiserissagaat, immikkoortumi apeqqutit taakkartorneqartut ilaatigut oqaloqatigiissutigineqassasut

Ileqqorissaarnikkut maleruagassat

- Naalackersuisoqarfiup ataani immikkoortortaqaarfimmut aningaasaliissutaasut isumalioqatigiissitat innuttaasunik peqataatitsinissaannut atugassianngorlugit nuutinneqarnissaat, Naalackersuisumut akisussaasuusumut saaffiginnissutigineqassasoq

Immikkut ilaasortaataitaqarnermut tunngasut

- Allattoqarfik immikkut ilaasortaatitassat, pilertortumik ujarleqqullugu, siulittaasoqarfimmit aalajangiiffigineqartussamik
- *Inatsit tunngaviusussat pillugit Isumalioqatigiissitat Naalackersuisullu akornanni suliassanik akisussaaffinnillu agguataarineq, ataqatigiissaarinissarlu*

Immikkoortumi inassuteqaatit:

- Isumalioqatigiissitat nammineq oqartussaassuseqartutut inissisimanerat isummerfigineqassasoq
- Ukiut affakkaarlugit Naalackersuisunut nalunaarusiortarnissap pisussaaffiginerata qaavatigut, Naalackersuisunut qanoq atassuteqartoqartassanersoq isummersorfigineqassasoq
- Apeqquut qanoq atassuteqartoqartassanersoq pillugu oqallinneq, ileqquusumik ataatsimiinnermi siullermi nanginneqassasoq

Isumasioqatigiinneq Junip 7-ni, 2019

Isumasioqatigiinneq ullormi ataatsimi ullaamiit ualip tungaanut ingerlanneqarpoq, immikkoortorpaaluit qulequttat ataani taakkartorneqartut sammeneqarput:

- "Kalaallit Nunaannut Tunngaviusumik Inatsisissaq pillugu Isumalioqatigiissitap suliassaanut nassuiaatit" (Aningaasaqarnermut Naalackersuisoqarfik, 29. marts 2019), tassungalu tapiliussaq "Tunngaviusumik Inatsisissaq pillugu Isumalioqatigiissitap suliassaasa nassuiarneqarneranni sinaakkutissatut piumasaqaatit" (Aningaasaqarnermut Naalackersuisoqarfik, 29. marts, 2019) v/Kuupik V. Kleist
- Ileqqorissaarnikkut maleruagassat, v/Nivi Olsen
- Suleriaasissaq pillugu siullermeerinninneq, v/Doris J. Jakobsen
- Immikkut ilaasortaatitaqarnermut tunngasut, v/Jakob Møller Lyberth
- Immikkut ilisimasalinnik atuinermut tunngasut, v/Johan Lund Olsen
- Inatsisit tunngaviusussat pillugit Isumalioqatigiissitat Naalackersuisullu akornanni suliassanik akisussaaffinnillu agguataarineq, ataqatigiissaarinissarlu, v/Kuupik V. Kleist
- 2019-ip sinneranut ataatsimiinnissamik pilersaarut

Inunnik qaammarsaasunut ileqqoreqqusat nutarterneqarsimavoq aammalu Inatsit Tunngaviusussaq Pillugu Isumalioqatigiissitat suleriaasissaat nutarterneqarsimalluni ulloq taanna. Tunngavilersukkat, aalajangersakkat, maleruagassat atuutitsilersitsinerlu ulloq taanna ilaasortanit atsiorneqarput nutartigassat ataatsimiinnermi eqqartorneqareersimallutik isumaqatigiissutigineqarnerup kingorna.

Ileqquusumik ataatsimiinneq siulleq 29. august 2019

Ileqquusumik ataatsimiinnermi siulermi immikkoortorpaaluit eqqartorneqarput, qulequttallu pingaarnersiorlugit inassuteqaatigineqarsimasut matumani allaaserineqassapput:

2020-mut aningaasanut inatsisissatut siunnersuut

Inassuteqaatit:

- Isumalioqatigiissitanut atugassarititaasut pillugit isumalioqatigiissitat naalackersuinikkut suliniutigilersagaat anguniagassaallu pingaarnersiorneqassasut
- Isumalioqatigiissitat Siulittaasoqarfimmut piginnaatitsissummik tunisissasut naalackersuinikkut isumaqatiginniarnermi aggersuni tunngavigineqartussamik

Isumalioqatigiissitanut ilaasortanut atugassarititaasut pillugit aaqqiissutissatut siunnersuutip akuersissutigineqarnera

Inassuteqaatit:

- Isumalioqatigiissitanut ilaasortanut atugassarititaasut pillugit aqqiissutissatut siunnersuutaasinnaasoq qanorpiaq ilusilerneqassanersoq sukumiisumik isumalioqatigiissitanit oqallisigineqassasoq, taannalu tunngavigalugu isumaqatiginninniarnermut siulittaasoqarfimmut isumalioqatigiissitat tamarmiusut piginnaatitsissut.

Pilersaarusiornermut missingersuusiornermullu tunngasunik isumasioqatigiinneq, 30. august 2019

Sulinermit pilersaarut medio 2019-medio 2021

Inassuteqaatigineqarpoq:

- Pilersaarusiornermut missingersuusiornermullu ataatsimiititaliamik suligasuartussamik pilersitsisoqassasoq
- Isumalioqatigiissitat aappasaanik ileqquusumik ataatsimiinneranni atugassamik aalajangiiffigisassamik ataatsimiititaliaq siunnersuusioqquneqassasoq

Suleqatigiissitanik, ataatsimiititalianillu pilersitsineq

Inassuteqaatigineqarpoq

- Suleqatigiissitanik pingasunik pilersitsisoqassasoq
- Suleqatigiissitat pilersinneqartut inissitissasut
- Suleqatigiissitanut pilersinneqartunut suliakkiissutitut najoqqutassiortoqassasoq

Inatsit tunngaviusut pillugit, taakkuninngalu sulissuteqarneq, pillugu isumasioqatigiinneq

Immikkoortoq eqqartorneqareemat, inassutigineqarpoq:

- Inatsit tunngaviusut pillugit, taakkuninngalu sulissuteqarneq, pillugu isumasioqatigiinnissaq pillugu siunnersuut isumalioqatigiissitat ilalissagaat
- Inatsit tunngaviusut pillugit ataatsimeersuartitsisoqarsinnaaneranik isuma isumalioqatigiissitat tunngaviatigut isummerfigissagaat

Savalimmiunut, allamulluunniit paasisassarsiorluni angalanissaq

Inassuteqaat:

Suleqatigiissitat iluminni oqaluserissagaat nuna suna paasisassarsiorfigerusunneritsik, qaqugu tamanna pisinnaanersoq

Naggasiineq

Isumalioqatigiissitap ukiumi suliaat aallartisarneqarput, Naalakkersuisut suliaakkiissutaat malillugit, naallu ukiaanerani aporfissaqaraluarsimasoq Isumalioqatigiissitaq allattoqarfillu suleqatigiinnermikkut naleqqussarsinnaasimapput, suliallu nangillugit. Ukiup aallartinnerani Isumalioqatigiissitami ilaasortanik nutaanik inissititerineq siulittaasoqarfimmi, suleqatigiissitanilu piffissamik nukissanillu atuingaatsiarsimapput.

2019-imi Isumalioqatigiissitat siulittaasuat, Doris J. Jensen, tunuarsimavoq. Tamanna pissutigalugu isumalioqatigiissitami sulineq unitsikkallarneqarsimavoq, aatsaallu ukiumi nutaami aqqissuussilluarnikkut, naleqqussarnikkullu suliat nanginneqarlutik. 2019-ni Isumalioqatigiissitap suliarisimasai annertusimaqaat, taakkunanilu suliani annertuumik nukinik atuiffigineqarsimapput Naalakkersuisut suliaakkiissutaat Inatsimmik Tunngaviusussamik ilusilersuinermi eqqartuineq, tassanilu suliasami qanorpiaq naammassineqarnissaanut qulaajaaneq eqqartorneqangaatsiartarsimalluni aammalu suliat aggulunneri ataatsimiinnerni eqqartorneqartarsimalluni. Isumalioqatigiissitap 2019-imi aamma naammassillugu suliarisimasaat tassaapput nutartiterinerit assigiinngitsut: ilaatigut ataatsimiinnissani maleruagassanik nutarterineq, aammalu inuiaqatigiinnut qaammarsaanissamut ileqqoreqqusanik nutartiterineq.

Allattoqarfimmit pissusissamisoortipparput Inatsit tunngaviususaaq pillugu Isumalioqatigiissitami 2019-imi ilaasortaasimasut tamaasa qujaffigissallugit: Doris J. Jakobsen, Kuupik Kleist, Nivi Olsen, Per Rosing-Petersen, Bentiarq Ottosen, Aleqa Hammond aammalu Louis Sigurdson.

Kiisalu sinniisussatut toqqarneqarsimasut aamma qutsavigaagut: Suinni L. Johansen, Marianne Jensen, Steen Lynge, Dorthe Zeeb Kristiansen, PanínguaK M. Kruse, Ole Aggu Markussen, Anita Hoffer.

Najugaqarfik:

Inatsit tunngaviususaaq pillugu Isumalioqatigiissitat
Postboks 4034
Noorlernut 4, st.
3900 Nuuk
Kalaallit Nunaat

Oqarasuaat: +299 34 66 70

E-mail: tunngavik@nanooq.gl

Nittartagaq: www.tunngavik.gl